





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINADEL 2.3.99/a






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.99/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.99/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.99/v

AVGVSTINI
STEVCHI EVGV-
BINI BIBLIO-
THECA-
RII

De Aqua Virgine in Vr-
bem reuocanda.



LVGDVNI APVD SEB.
GRYPHIVM,
M. D. XLVII.

AVGVSTINI

STEVCHIEVGV

BINI BIBLIO

THECA

171

De Aquar Vigine in Vt

beni reuocanda



COMITATU FORTAVIA

ALIBILE DACE

LACDANI ABAD BEE

GRAPHIA

171

237

3

AVGVSTINI EVGV

BINI BIBLIOTHECARI,

DE REVOCANDA IN VR-

BEM AQVA VIR-

GINE.



ORBI S terrarum domina, mater
omniū gentium, bonarum rerum
fecunda parens, maiestatem eius
memoriæ repetēti incredibile de-
siderium accendit, ut eam, si non
qualis, ac quanta fuit, quoddam
certē tantę magnitudinis aliquan-
do meis oculis uideam simulacrū
quod omnium gentium denuo in se oculos, atq; ora con-
uertat, communemq; parentem omnes agnoscetes ad
instaurandam claritatem eius uniuersos concurrere cer-
nam. Atq; hoc meum desiderium, neq; prodigiosum,
inusitatumq; haberi potest, neq; earum rerum, quas na-
turæ facultas non admittat: sed earum, quæ & naturam
habeant, ut fieri possint, & quæ nostris oculis facile con-
spicerentur siqua publici commodi, solidæq; gloriæ
cupiditas, principibus nostris inesset. Simul præteritos
annos, totamq; posteritatem animo complectentes,
quæ studia hodiernam hanc amplitudinem Romæ
conciliarint secum considerarent, quibus causis omnes
nationes hanc sedem uenerandam, colendamq; sibi ma-
xime existimarint. Quibusue pietatē, uenerationemq;
omniū gētium Roma affecuta fuerit. Tum quid aliud
superstes fuerit his, qui olim rerum potirentur, aut pos-

a 2 sit esse

sit esse quantas uelint, cumularint opes, patrimoniacq;
 auxerint, suos in excelfo dignitatis gradu collocauerint,
 quam gloriam, famamq; rerum gestarum. Quarum re-
 rum consideratio, quid aliud agere cogat eos, qui rebus
 moderentur, quam gloriæ summi Dei, atq; immortalis
 tati suæ enixè studere, quæ omnis in amplificatione pu-
 blicæ utilitatis perspicitur? Cui ueteres pontifices omni
 conatu, totaq; animi contentione incumbentes, dum ni-
 hil publica charitate antiquius habent, dum paterna be-
 neuolentia cunctos generatim amplectuntur, fecerunt
 ut hunc locum omnes nationes sacrosanctum habentes
 uelut pietatis domicilium uenerarentur, & ad hoc san-
 ctius ærarium pecuniam sacram omnibus è locis mitte-
 rent quas optimi principes in publicos usus transigerēt.
 Itaq; si parem gloriam, atq; immortale decus insequuti
 principes admassent, iam Romam ex toto orbe Chris-
 tiano, subsidijs huc confluentibus in pristinum ferè de-
 cus restitutam conspiciari liceret, in quam plurimis ab
 hinc annis tanta pecuniæ uis est illata, ut eæ res effici po-
 tuerint, quæ Romæ ueterem potentiam, magnitudinēq;
 operum facile consequerentur. Mirari certè necesse est,
 cum tantus laudis campus pateat, cum magnitudinem
 animi multis in rebus principes comprobare possint,
 quorum tanta sit apud omnes nationes autoritas, qui-
 bus reges parere gaudeāt, quin ad hanc occasionem ex-
 citati maximas res, ipsiq; in primis urbi, tum uniuerso
 Christianorum generi profuturas animo concipientes,
 sese simillimos Deo eximijs factis ostendant. Quos ui-
 uentes uniuersi laudibus in cœlum ferant, faustis accla-
 mationibus prosequētes, incolumitatem, salutemq; eis
 optantes, defunctos ueluti Deos colant, eorum memo-
 riam

riam cum admiratione repetentes. Quis autem non
 perspicit quanta materia laudis consequendæ proposi-
 ta sit, cum multa hinc inde iacentia, pietatem, charita-
 temq; alicuius principis desiderent, qui rerum restituta-
 rum gloriam à cæteris neglectam sibi præripiat, quam
 curis inanibus, celeriterq; extinguendis, ac perniciosis
 factis animos implicantes, ceteri nec sensu perceperunt,
 nec oculos in hanc meliorem partem conuerterunt, quo-
 rum dum uiuerent interitus ab omnibus expetebatur,
 defunctos contemnunt, execrantur. Eum certè, qui celsæ
 huic religionis arci præsidet, conuenit esse, de quo præ-
 dicare solent philosophi πεδαρχῆν τῷ νόμῳ obtēperare men-
 ti, & rationi, quem amore iustitiæ conflagrare norint om-
 nes, quam iisdem illi asserunt uestertinum, matutini-
 umq; sidus claritate superare εὐφροσύνην εὐφροσύνην εὐφροσύνην
 sis. Neq; Luciferum aiunt, neq; uesterum tantopere ad-
 mirabilem esse. Romam igitur cum uetusta religione,
 ac pietate, quam sanguine suo illustres animæ peperere
 nobis, reflorentem, & ad cultum, ornatumq; priscum
 restitutam aspicere cuperem, huc me demum multa col-
 lustrantem, ueteresq; ruinas animo uersantem, miseran-
 temq; cupiditas deduxit, ut Aquam uirginem reuersam
 in Urbem, largiterq; domos, ac paradisos, ut quōdam,
 foraq; influentem cernerem. Quam quidem meam cu-
 piditatem, ne uana, aut impossibilia affectasse uiderer,
 non ipsa modo ratio, ac rei contemplatio, sed item ex-
 perientia, & usus, probataq; oculis res uehementius in-
 cendit. Omnium enim aquarum, quas olim Romani pa-
 triæ suæ, ac publicæ utilitatis amantes induxerant in Ur-
 bem, quibus urbs omnis, teste Strabone, uelut altero
 Tiberi largissime confluebat, una hæc in primis largior,

uberiorq; omnibus, & ad hodiernam Urbem accommodatior, minori dispendio reuocari posset. Ortus autem huius aquæ à Iulio Frontino, exitus ex arcu, passimq; per urbem memorijs intelligi potest. De toto autem aquæductu discere licet si per agrum Romanum ab ortu, atque exitu aquæ uestigia quæ nunc extant, & spiramenta in subterraneum aquæductum descendentia secutus, totum aquæ iter oculis complectaris. Sed finis Aquæ Virginis nemini non perspicuus est, cum omnes qui campum Martium incolunt, quò nunc maxima pars Urbis deducta est, hauriant ex fonte, incisq; marmore tituli testentur, hanc esse Aquam Virginem. Estq; porta Septorum, qua sepiebatur, secludebaturq; campus Martius à reliqua Vrbe, ad eius caput aqua transiens, tum per campum Martium delapsa pomaria, lucos, nec non lacum naumachiae influebat. Hac porta tituli marmorei conspicui testes sunt inde transeuntis aquæ, cuius arcus uetustate collapsos, Titus Claudius Germanicus Cæsar restituerit. Nicolaus etiam Quintus, memoriam facti sui posteris relinquens inscripsit marmori, quod omnes, qui haurirent, prospectarēt sese fontem uirginem suis expensis restaurasse. Sistus autem superioris memorie Pontifex quod eius aquæductus detrimenta quædam salsisset, obtinuit ut à poëtis ei caneretur

Virgineam Triuij quod repararis aquam.

Nemo igitur est, cui non sit perspicuum, Fontem Virginem esse, quem nunc uulgo uocant fontem Triuij, quod tituli priscorum Imperatorum, & recentium Pontificum testantur. Sed maxima perturbatio, multiplexq; inciticia obiecta est, quòd si quis iter à campo Martio reflectat, manantis aquæ exordium scrutaturus, cum sese

in

in subterraneum iter mox aqua recondat, uix mille passus egressis urbem ex puteis illis cognita, inde recedens ab oculis, nullisq; amplius indicijs perspecta, quum etiam depressis uallibus occurrētibus, per quas in lucem prodire opere arcuato eam oportuisset, nulla eius uestigia, nullos arcus, nulla omnino indicia cernas. At Iulius Frontinus docet octauo ab urbe milliario Aquam Virginē in agro Lucullano, in locis palustribus uia Collatina concipi, tum totum iter aquae explicans, maxima parte substructionibus, aut specubus subterraneis, nonnullis autem locis propter demissiores ualles, opere arcuato, à cliuo ad alterum cliuum fluere monstrauit. Sed cum multas iuxta eam uia aquas concipi uideas, nullas tamen hodierno tēpore cernes, seu conspicuis operis arcuati structuris, seu subterranea fossa ad urbem delabi. Nec fortasse ad hanc usq; etatē repertus est, qui huc ingenium appulisset, cogitationēq; exacuisset, ut cum in urbe titulos marmoreos aplissimos Virginis testes, ipsumq; fluentem fontem habeamus, nullis tamē toto Romano agro collustrato locis, Aquam uirginem descriptā à Iulio, quae hodie influat in urbem deprehendamus. Tum controuersiam quis dissoluat, quae nam sit exigua illa aqua, quae hodie ex Fonte Virginis hauritur, cum Virgo, quam descripsit Iulius, nō ueniat ad Urbem, & fons ipse hodiernus cum tenuis est, ut dixi, tum breue iter extra urbem uix ad mille passus progreditur. Meo igitur opere, mea in hanc omnium gentium matrem, lucem orbis terrarum pietate, hoc omne patefactū est, (si quem Deus demittat è caelo, qui factum hoc immortale secutus, æternumq; suae bonitatis in urbe testimonium relinquens non leues illas Sisti, aut Nicolai super hoc aquae ductu

ductu minutias, sed omne laudis tantæ corpus amplexus, totam ipsam aquã, tot annis à mœnibus urbis exulem, incredibile huic magnæ patriæ utilitatem, commodūq; allaturus reuocet. Quis enim uenerabili bonarum artium genitrici, omnium mortalium benefactrici, non omnia bona, omnem lucem, ornatūq; cupiat? Itaq; incredibili studio (ferebar enim cupiditate inueniendi, quæ magno comodo clarissimæ terræ futura prospicerem, incēdendiq; ad hanc laudem, quos Deus ad eam destinasset) reperta mihi est omnis ab ipsis largissimis scatebris ad urbem usq; per agrum Romanum uaganti, illaq; spiracula sequenti, uia non quidem nunc fluentis aquæ, sed quæ felici priscorum Romanorum seculo, forsan ad tempora Gottorum manabat in Urbem, alluens, quemadmodum superius docui, campum Martium, quem locum omnium toto orbe pulcherrimum, amœnissimūq; fuisse scribit Strabo. Reperta est autem nec labore, nec tempore exiguo, cū omnis penè aquæ ductus ab origine sit subterraneus, omniāq; tanto temporis spacio uetustas miscuerit in agris, ut cū quatuor, aut septem puteos introrsus iter aquæ monstrantes repereris, hic necessario nullis amplius, uel multa indagine repertis, nescius quam in partem spiramentorum ordo procurrat, incepto desistas. Sed quid non studio, atq; industria, opponat sese difficultas omnis licet, mortales consequuntur? Quo non aspirat ardor, quem speculando, mentemq; exercendo semel concepisses? Recte priscis dictum est, DEVS ADIVVAT FACIENTES. Itaq; iuxta uiam Prenestinā, & Collatinam ab urbe septimo, aut octauo milliario, in locis palustribus, scatent uberrimi fontes, ijsq; nusquā in omni agro

Roma

Romano pulchriores, aut largius, abundantiusq; in lucem exilientes. Atq; ex propinquis mōtibus, ut par est, ea liquorum copia in hunc locum cogitur, ut omnia fontibus irrigua, largas undiq; scaturigines manare cernas: ut recte scripserit Iulius, locum esse palustrem, non quidem aqua segni, aut lacunis restagnantium aquarum, sed multitudine, ac largitate gelidorum, salubriumq; fontium. Ex his largus, ac perlucidus amnis coactus non procul inde recipitur Aniene, qui ex monte Tyburtino præcipitans, celeritatemq; ruinæ ubiq; demonstrans, sese Tiberi miscere paulo longius properat. Hanc celeritatem, atq; hunc Anienis iuxta fontium horum scaturigines præcipitem cursum constat Romanis indicio fuisse posse fontes hos licet accurrerent edicti colles Romæ deduci, quod deiectionibus locis, depressiorq; sit Roma, nempe campus Martius, ut ad quam Anio cum Tiberi citatus fertur. Itaq; opere Signino circumiecto, quod solidissimum, & ad continendas aquas aptissimum est, coactisq; in unum omnibus scatebris, atq; his cliuis, qui occurrerent, quorū plenus ager Romanus est suffossis, at cōuallibus circumactis semper per cliuos aqueductu uitatis, aut in his arcus attollentes, Romam in campum Martium, qui depressior locus esset, Roma autem in collibus habitaretur aquam deduxerunt. Hæc uestigia passim per agrum Romanum reperies, nunc uidelicet tumulos effossos, quod ordo frequentium, & inter se propinquorum spiramentorum demonstrat, quibus dum erueretur aquæductus materiam effossam egerebant, deinceps autem ipsum aquæductum cum usus posceret expurgabant, aut in aliqua conualle, uideas nunc integros arcus, nunc eorum fragmenta, Ab ipsis autem fontibus,

b quod

quod demissiore loco exprimuntur in lucem, continuo per colles obiectos specus agere necesse fuit, ac longissime per subterraneum meatū iuxta uiam Prænestinam, & Collatinam aquam deducere. Inde tribus, aut quatuor passuum millibus propter hanc uiam confectis, flectitur ad uiam Tyburtinam, reditura ad Anienē, quem à principio itineris reliquisset. Hunc in magna conualle per arcus, qui ripe fluminis imminēt non procul à pōte Nomentano, prætergressa redit in uiam Nomentanam, eaq; per effossum collem traiecta, oblataq; alia cōualle, atq; arcus ascendens, flectitur Romam uersus ad uiam Salariam, seu Collatinam, Pincianam uē: Exinde uincta ingressa, ac ueluti cubito ad ortum, & meridiem sese retorquens, occasu, & septentrione relicto, inter portam Flaminiam, ac Pincianam subit moenia urbis semper meatu subterraneo, donec ad radices collis in campum Martium egressa super portam Septorū fundit se se per uicos urbis. Ipse igitur uiae indices sunt itineris. Operæpretium autem est nosse, quæ nunc in urbe ex fonte Virginis hauritur aqua, non eam esse, quæ locis palustribus septimo ab urbe milliario, in agro Lucullano concipitur, autore Iulio: Sed cum ipse Frontinus in descriptione huius aquæ, asserat eam in illo subterraneo itinere multis acquisitionibus crescere, repertis scilicet dū aquæductus seruili manu effoderetur, nonnullis aquæ uenis, hisq; associatis, hæ sunt uidelicet quæ hodiernum fontem conficiunt uix mille passus extra urbem ortum habentes. Non est igitur hæc principalis, amplissimaq; illa aqua, uberrimi illi, illustresq; latices, sed tenues riuuli, non procul urbe nascentes. Ipsa quin etiam aquæductus magnitudo indicat, non riuulis illis fuisse paratum.

tum. Pleno autem alueo fluxisse docent currentis aquæ in pariete dextra, læuæq; impressa uestigia. Cum igitur fons hodiernus ea tenuitate habitatoribus incredibilem alacritatem afferat, quid fore putes, si quantus est ad scaturigines afflueret? Medius fidius omnia fora, domos, palatia, hortos fontibus irrigua uideremus. Ipsam planè Urbem huius aquæ commodo reflorentem, ingenti ad eam colonorum facta accessione spectaremus. Hos igitur admirandos, illustresq; fontes esse aquam Virginem omnibus poëtis, historijsq; celebrem, cum totus aquæductus, quem indicibus spiramentis secuti uenimus ad urbem, tum uerò Frontini descriptio perspicuè comprobatur, quod plenus scaturiginum, quod palustris hodiernus locus, quod spatiū ab urbe ipsum est, & iuxta uiam Prænestinam & Collatinam, quod iter aquæ totum penè subterraneū medijs effosis, penetratisq; montibus, & quasi eorum uisceribus adaperitis, ut uix mille passus super molibus arcuatis exeat in lucē, locis deiectionibus. Cumq; spatium ab urbe ad fontes recto itinere ad septem millia passuum extendatur, propter inflexiones tamen aquæ quod Romani effodere montes, ac per aquam circumagere maluerunt, quàm in uallibus arcus attollere, nisi necessario cogerentur, efficitur ut hoc spatium ad alia millia septem passuum augeatur. Hi fontes hodie uocantur Salones, omnibus notissimi, nisi quod ignotum erat hanc esse Aquam uirginem hos olim fontes in Urbem solitos influere. Atq; adeo res obscura fuit, ut etiam illustres Romanæ curiæ uiri, qui ad hanc aquam, uillas extruxerunt, inscripserint marmore, hanc esse aquam Appiam, quos aperte fefellit codex mendosus Iulij Frontini, quo describens aquam Appiam, dixit

b 2 eam

eam concipi uia Prenestina sinistrorsus. Sed propter similitudinem scriptionis sinistrorsus, ac dextrorsus effectum est, ut de aqua Appia mendose sinistrorsus scriberetur, quod in alijs plerisque fit. Sed docere illustres illos uiros poterat reliqua pars descriptionis aquæ Appiæ, quam prosequitur Iulius, qua docuit caput huius aquæ esse ad Salinas, & ingredi urbem per portam Capenam, siue Appiam. Quod iter tenere non posse fontes Salonis, quod ager Romanus ad eam partem, nempe ad precipitantem Anienem, maxime deprimitur, nemini non perspicuum est. Exurgitque agri Romani dorsum ad ortum æquinoctialem portasque orientales urbis. Quo quidem assurgere minime Salonis aqua potuisset. Sed quid moror? non ne ipsi uulgo aqua Appia notissima est? ut quam ueteris appellationis remanente uestigio, uocant, Aqua d'Acio, quæ quidem eodem itinere quod Iulius docuit iuxta portam Appiam siue Capenam prolapsa, demum uiam Hostiensem intersecans deuoluitur in Tiberim semper ad meridiem: at Virgo in occasum, & Septemtrionem. Ipse quoque Virginis aqueductus conspicuis illis uiris index esse poterat, hanc Appiam esse non posse, quod euestigio iuxta fontes illos ingrediens tererbratum collem, ac longissime per agrum Romanum circumacta tandem urbem influit in campo Martio, ubi marmorei tituli aquam Virginem demonstrant.

Percepta igitur insignis aquæ origine, deprehensis, indicatisque egregijs fontibus, nec non eorum itinere cognito, ac quanta futura sit urbi ex aqua commoditas, omnibus perspecto, iam certè perspicuum est, quid laudis assecuturus sit, quos titulos sibi, trophæumque erecturus, cui mentem ad hæc aspirabit Deus, magnum suæ
 laudis

laudis architectum eum constituens. Ac quanquam ani
mi magnitudo ex difficilibus reddit facillima, ut si qua
etiam grauior occurrat hoc in opere difficultas, ea ma
gnam mētem tanto commodo proposito detertere non
debeat, attamen eadem nos prudentia, & rerum com
probatio quæ fontium originem, iter, & omnem huius
rei naturam indicauit, docuit item nullam obstare cau
sam, quo minus iniuria temporum, grauissimarumq;
Italiae calamitatum concursu collapsam sanctissimi fa
cti memoriam restituamus, atq; eam minus, quā ui
deatur si nobiscum cogitauerimus labefactatam repare
mus. Non enim proponitur nunc ut nouum aquædu
ctum, quod fortasse opes hodiernæ præstare non pos
sent, effodiamus, non ex longinquis spatijs aquam ad
urbem euocamus, sed expectantem nostras manus, et ad
se suas fontes implorantem reduci altare paratum non
magnas expensas poscentem, exiguo labore refici posse
inq; eo omnia nobis fore procliuiā prædicamus. Est in
teger totus, saxa illa, molesq; tumulorum, efforata ea
dem sunt nullo labentis æui detrimento deleri, atq; e
uerti potuerunt, ijdem collium situs, eadem locorum
natura. Nihil ex pristina consuetudine ferè demutatum.
Omnis enim aquæductus est subterraneus, non ut reli
qui in altam Romam excelsis fornicibus aquam trans
portantes, quos senio, & Barbarorum iniurijs colla
psos reficere nostræ opes forsan non possent. At paucis
locis cogemur duntaxat meatu inferne perpurgato, ar
cus reficere, quorum num etiam fundamenta extant,
nonnunquam substructiones, quæ supersunt redinte
grare. Quæ omnis expensa ipsis architectis autoribus,
qui ad hæc uisenda, solerterq; perpendenda sapius con

uenere uix ad quindecim millium aureorum summam accedit, si quis modò rectam secum rationem inire instat, secumq; cogitet, quantus operarum numerus omni subterraneo meatu expurgando sufficiat, aut quid reficiendis paucis illis arcubus pecuniarum debeat. Ostensa quoq; prudentibus, rerumq; peritis ratio est euestigio recuperandarum expensarum cum refecto aquæductu, redditaq; Vrbi uberrima aqua, qui Romanis olim mos fuit, idq; nonnullæ Italiæ urbes retinent, ut aquæ uolentibus in suas domos deducere uenundet, quod pretium longe multiplex inita ratione futurum est, quàm expensæ reficiendi aquæductus. Tanta autem hæc aqua est, ut uniuersam urbem possit alluere uelut amnis decurrens, atq; deprehensum quoq; architectorum ratione est ubi in Campo Martio ex specubus illis prodit in lucem, cum locus is sit ad radices collis, reliqua deinceps hodierna urbs sit plana per totum campum Martium, reliquamq; planiciem, in qua publicæ operæ fuerunt, templa, theatra, thermæ, urbs autem in collibus habitaretur, hūc locum altiore esse omni ipsa urbe, ut duci possit aqua per omnem. Primū in foris uberes spectare fontes, publice q; haurire licebit ante portā Flaminiam, urbem ingressis, tum per omnem ipsam uiam ad forum sancti Marci. Tum in foro Pantheon, in Campo Florg, demum per omnem urbem, omnibus illustriū uirorum domibus exiliente aqua Citriorūq; lucos obeunte, non fontes ficticios, quorum iam ingēs copia Romæ esse cepit, sed ueros naturalesq; Latices fluere medijs in penetralibus aspiciemus: quo spectaculo, quid iucundius esse possit? Quis non laudibus in cælum feret, diuini muneris autorem, quando Nicolaus, & Sixtus sibi im-

morta

mortales titulos excitari uoluerūt, ob leues nescio quas huius aquæ sactas iacturas, idq; non per totum aquæ ductum, sed ad caput tantum. Quis hodie uirorum præpotentum est, quin sibi intra palatium quibusuis expensis paret hanc uoluptatem, ut quando salientis aquæ, ueroq; riuo decurrentis facultas denegata est, eam simulatis fontibus scatentem, murmurantemq; aspiciat? Mitto ueriora, solidaq; commoda. Aqua uenali ex Tiberi utitur Roma salubri quidem illa, quod ex montibus defluens, cruditates omnes multa spacia per saxa, harenamq; deuoluta relinquit, aut quod sulfureus Nar excoquens redigit reliquam aquam ad naturam mitiorem. At illi fontes saluberrimi quoq; sunt ex uicinis montibus longa spacia prolabentes, æstate tactu gelidissimi, hyeme calidiores, quod salubrium aquarum indicium est. At quanta lætitia erit, quæ rerum exoptanda commutatio ab aqua uenali, cuius sæpe inopia est, quam ex longinquo flumine allatam, eamq; sæpius limosam, ac turbidam emere, ac subito bibere cogimur, uetum esse ad aquam omnibus expositam, ac paratam ad ueros, uerberesq; fontes, unde omnes ad satietatem hauriant, & commodè utantur? Quid aliud hoc planè futurum est, quàm ipsam denuo condere urbem. At quæ nam fraus, aut inuidia nunquam non conatibus honestis inimica, dissuadensq; utilia, nos deterreat ab inceptis, quibus proxime ad superos accedamus, futuras scilicet has intolerabiles impensas, aut cum sint inclyta, plenaq; laudis, deiciat, ac deprimat, non esse tanti, ut huc aduertere mentem principes deceat. Iterum itaq; moneo debere nos huc omnem cogitationem, uimq; animi conferre, intentè perpendere, num uera sint quæ scribantur. An

reipub. tantopere intersit rationibus scribentis persuaderi. An uerè hæc sit aqua Virgo, atq; his ex locis adueheretur urbem, an extet antiquus aquæductus integer ferè totus quippe subterraneus intra montium, saxorumq; duritiem cuniculis actis, tofoq; suffosso. An is uerus sit uirginis aquæductus, & an facile possit opus non magnis expensis restitui. Magnas autem dico, quæ superent opes hodiernas. At ego contendo multa quotannis solitos facere pontifices longè maioris impendij. Quod si hæc refugiant, nequid detrimenti publicum ærarium patiatur, at populum, quoniam totius urbis hoc beneficium est, in singula capita ad hoc opus concurrere iubeant. Nam neq; multum erit quod à singulo exigatur. Sed hæc mihi facillima uidentur, si modo non desit, aut succumbat animus, qui sæpe ad bona, laudatq; frigit. Nec subit uirtutis imago. Paucos enim euexit ad æthera. Hoc me quidem omni spe destitutum ægritudine conficit deuium iter nostrum, seclusumq; à consortio Deorum aspicientem, in cælumq; auolasse, quæ terras aspectu iucundissimo solari consueffet, & crudelem inter algores, noctemq; profundam nos deseruisse, ut nouè exulare sorores omniq; aditu prohiberi uideremus. At erit cum refflorētem urbem, cum uer antiquum rediisse lætabimur. Nulla nostros, oculos res exoptata difugiet, excussaq; hyeme terris irradians nouus ardor afflabit. Et Charites manibus spargent lilia plenis. Quæ igitur, ut ad lymphas redeam, tam abiecta Italiæ urbs est, (nam sæpe parua magnis, ut ille inquit, rectè conferruntur,) quæ non etiam difficili transitu fontes, seu flumina ad se deduxerit? Aliæ saxa inter ardua, & scopulos, præruptas, asperasq; rupes, iter fontibus aperientes,


nullis


nullis sumptibus parcentes, qualem Iguuñ patriæ meæ
aquæductum suspiciendo obstupeſces, aut Perusiæ lon-
giſſimè petitam, & ex alto monte in infimas ualles tu-
bis plumbeis ruentem, hinc tantundem in alterum col-
lem reſurgentem, forumq; urbis, quod altifſimo in lo-
co eſt, aſcendentem aquam aſpicias. Quæ quidem & ma-
gna fuit audacia, & non credendis ſumptibus exacta.
Brixia Cenomanorum urbs, tantum fructum ex aquæ-
ductu in eam procul deducto percipit, ut nemini non li-
ceat, uel priuato, ac plebio emptam aquam deducere in
atrium, pomarium, omnemq; domum. Quid cæteras
urbes memorem res omnium oculis expoſitas expli-
cās? Solā ne regina orbis, principum incuria, ſuis in per-
petuum commodis ornāmētisq; carebit? Non redibit,
quæ facile redire poſſit, ad eā uetus pulchritudo? Quid
autem ipſi principes morantur, an dum eos manibus
preſantes ad ipſas ſcaturigines per totū aquæductum,
ad poſtremos in urbe puteos, ac ſpiramenta deduca-
mus, eiſq; dextra protenſa, effoſſos colles, uiāq; ſectam
intra ſupercilia, & interiorem laticis meatum oſtenden-
tes, non fabuloſa, atq; arbitraria, ſed maxime probata
nos referre doceamus? Iterum edico oportere exhauri-
re aquæductum, terra, rebusq; alijs egeſtis longo tem-
pore eò deuolutis, ex quo uidelicet effracta ad ipſos fon-
tes aquæductu, ſigninoq; opere deleta, quo latices coge-
bantur, qui mox ſemitam illam ſubterraneā ſubibant,
delapſi per planum ad Anienem redierunt relicto itinere
ad Urbem, ipſe autem interior meatus inde procur-
rens uacuuſ aqua media ſecat iuga, frequenti puteorum
ordine ſupernè perſpectus, quos ſecutus primū in uiam
Præneſtinam ingredieris, eos ſemper habens à leua mul-


b s tis


tis caprificis ad fauces enatis, sed cum ad urbem propius
 accesseris, oblata ingenti ualle flectit iter à uia Prænesti-
 na, uersus septemtrionem per agros, donec transgres-
 sus uiam Tyburtinam, semper in septemtrionem uersus
 Anienem descendit. Hoc autem inflexo itinere progre-
 ditur, quod ualles obstabant, ac præstare Romanis uis-
 sum est per tofum incisum, per specus, aut cuniculos lon-
 gissimè pertinentes quam opere arcuato nisi cum neces-
 sitas compelleret aquam ducere, cum in eo minores sum-
 ptus fierent. Nam extruendo opere arcuato, calce, sabu-
 lo, lateribus, tum edificandi peritos adhibere opus erat,
 at effodiendis tumulis, seruorum multitudine res expe-
 diebatur. Fit quidem ut nonnullis locis cognitionem,
 indiciaq; aquæductus amittas, nesciusq; per agros cir-
 cumuagari cogaris, ueluti si quis uenationi insiltat, sed
 demum redit in lucem spiramentorum ordo. Quorum
 pleraq; agricolæ feruntur obstruxisse propter crebros
 iumentorum casus. Omnis autem hæc spiramentorum
 uia, facile perspicietur, nullaq; amplius obscuritas scru-
 tantibus offeretur si subeuntes operæ meatum aque per-
 purgando detexerint, iterq; ante oculos apertum, expe-
 ditumq; ad urbem usq; tenere ceperint. Fieri autem id
 prædicant oportere non æstate, propter algores interius
 à superno calore refugientes hominibus intolerabiles.
 Hyeme autem ob diuersam causam supernum frigus,
 ut in puteis, fontibusq; fit, naturali calore non ferente ca-
 let intimus meatus. Superest igitur ut si cui nostra ætate
 rem maximi commodi edendo sese celebrè, & quod ca-
 put est, gratum, acceptumq; superis reddere proposi-
 tum fuerit, huicq; rei omnibus modis studendum sibi
 persuaserit: superest inquam ut tantę laudis comparan-
 dæ

dæ occasionem elabi non sinat, neu diutius amissorum
 fontium incommodum ueterascere, aut hanc aboleri
 memoriam patiatur, ipsumq; aquæductum, qui tametsi
 nonnullis iniurijs acceptis, effringi tamen, euertiq; non
 potuit, saltem ne senio, ac desuetudine fatiscens, fundi-
 tusq; labefactatum amittamus, ut nulla posthac homi-
 num memoria possit restitui. Quam quidem iacturam
 haud inuitus fatear, futuram non mediocrem urbis cala-
 mitatem. Et quoniam ea temporum alacritas tenebris
 abactis renidere iam cœpit, ut in dies urbs ex fœdissimis
 miserijs, quibus esset obruta paulatim resurgat. Iam e-
 nim seditiosorum ciuium, qui quotidianis eam cladibus
 deuastabant, furor compressus est. Iam publicis uijs,
 aut in syluis insidiari soliti latrones è medio sublatis sunt,
 quorū teterrima importunitas infesta omnia itinera red-
 diderat, ipsa autem eorum latibula, densissima nemora
 penitus patuere, omniâq; in agris aperiri cœperūt. Iam
 hi, qui ei nihil non iniuriarum ad omne tempus inferre
 parati essent, longius submoti sunt. In dies autem domi-
 cilijs, uiarum pulchritudine, tectorum uenustate,
 ad pristinam magnificentiam illustratur, fitq;
 maior ad eam colonorum concursus,
 tempus quoq; posceret, ut hæc
 quoq; redditi fontis felix
 citas cæteris ad eam
 redeuntibus gra-
 tijs addere-
 tur.









005645857
90 5645930

